



---

**PEKELILING PENTADBIRAN**  
**BILANGAN 1 TAHUN 2023**

---

**PEMBERIAN KENAIKAN GAJI TAHUNAN (KGT)**  
**TAMBAHAN KHAS KEPADA**  
**STAF DALAM KUMPULAN PELAKSANA DAN**  
**KUMPULAN PENGURUSAN DAN PROFESIONAL**  
**DI UNIVERSITI TEKNIKAL MALAYSIA MELAKA**

Pejabat Pendaftar

**20 Januari 2023 | 27 Jamadilakhir 1444H**

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar dan Alumni)

Pegawai-Pegawai Kanan

YDP Majlis Perwakilan Pelajar

# UNIVERSITI TEKNIKAL MALAYSIA MELAKA

UTEM100-1/3/1(142)

20 JANUARI 2023  
27 JAMADILAKHIR 1444H

## **PEKELILING PENTADBIRAN BIL. 1/2023**

### **PEMBERIAN KENAIKAN GAJI TAHUNAN (KGT) TAMBAHAN KHAS KEPADA STAF DALAM KUMPULAN PELAKSANA DAN KUMPULAN PENGURUSAN DAN PROFESIONAL DI UNIVERSITI TEKNIKAL MALAYSIA MELAKA**

#### **1.0 TUJUAN**

Pekeliling Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai keputusan Kerajaan untuk memberikan Kenaikan Gaji Tahunan (KGT) Tambahan Khas bagi tahun 2023 melalui Pekeliling Perkhidmatan Bilangan 2 Tahun 2022 iaitu Pemberian Kenaikan Gaji Tahunan (KGT) Tambahan Khas Kepada Pegawai Perkhidmatan Awam Persekutuan dalam Kumpulan Pelaksana dan Kumpulan Pengurusan dan Profesional.

#### **2.0 LATAR BELAKANG**

- 2.1 Kadar KGT semasa bagi Pegawai Perkhidmatan Awam Persekutuan dalam Kumpulan Pelaksana dan Kumpulan Pengurusan dan Profesional adalah sebagaimana yang ditetapkan melalui Pekeliling Perkhidmatan Bilangan 1 Tahun 2012 (Kenaikan Gaji Pegawai Perkhidmatan Awam Persekutuan Di Bawah Sistem Saraan Malaysia), Pekeliling Perkhidmatan Bilangan 12 Tahun 2016 (Pindaan Skim Perkhidmatan Pegawai Perubatan Dan Skim Perkhidmatan Pegawai Pergigian) dan Pekeliling Perkhidmatan Bilangan 13 Tahun 2016 (Pindaan Skim Perkhidmatan Pensyarah Perubatan Dan Pensyarah Pergigian).
- 2.2 Pegawai Kumpulan Pelaksana dan Kumpulan Pengurusan dan Profesional menerima Pergerakan Gaji Tahunan (PGT) pada kadar KGT antara RM80.00 hingga RM400.00.

- 2.3 Kerajaan telah bersetuju untuk memberikan KGT Tambahan Khas sebanyak RM100.00 kepada pegawai Kumpulan Pelaksana dan Kumpulan Pengurusan dan Profesional pada 1 Januari 2023.
- 2.4 Universiti melalui keputusan Mesyuarat Khas Lembaga Pengarah Universiti Bil.1/2023 pada 9 Januari 2023 telah bersetuju untuk menerima pakai keputusan Kerajaan ini untuk dilaksanakan di Universiti tertakluk kepada syarat- syarat yang dinyatakan di bawah.

### 3.0 TAFSIRAN

Bagi maksud Pekeliling Pentadbiran ini:

**“Kenaikan Gaji Tahunan”** bermaksud amaun yang digunakan bagi pemberian pergerakan gaji biasa yang ditetapkan mengikut gred dalam Jadual Gaji Minimum Maksimum (JGMM).

**“Kenaikan Gaji Tahunan Tambahan Khas”** bermaksud amaun bagi pemberian pergerakan gaji tambahan khas sebanyak RM100.00 kepada staf Kumpulan Pelaksana dan Kumpulan Pengurusan dan Profesional bagi tahun 2023 sahaja.

### 4.0 PELAKSANAAN

#### 4.1 Staf Yang Layak

Pelaksanaan pemberian KGT Tambahan Khas ini melibatkan staf dari Kumpulan Pelaksana dan Kumpulan Pengurusan dan Profesional bertaraf tetap, sementara dan kontrak (*Contract of Service*) yang telah dilantik **sebelum 1 Januari 2023 dan sedang berkhidmat pada 1 Januari 2023**, termasuk staf yang berada dalam keadaan seperti berikut:

- a) staf yang dipinjamkan atau ditukar sementara ke agensi Kerajaan;
- b) staf yang dipinjamkan ke pertubuhan antarabangsa atau sektor swasta;
- c) staf yang cuti bergaji penuh, cuti separuh gaji dan cuti tanpa gaji; atau
- d) staf yang meninggal dunia pada 1 Januari 2023.

## 4.2 Staf Yang Tidak Layak

Pemberian KGT Tambahan Khas ini tidak diberikan kepada:

- a) staf yang tidak hadir bertugas dan ditahan gajinya sepanjang tahun sepanjang tahun 2022;
- b) staf yang dikenakan tindakan tatatertib dengan hukuman buang kerja yang berkuat kuasa pada 1 Januari 2023;
- c) staf yang dilantik mulai 1 Januari 2023;
- d) staf yang bersara pada atau sebelum 1 Januari 2023; atau
- e) staf yang meninggal dunia pada atau sebelum 31 Disember 2022.

## 4.3 Kaedah Pelaksanaan

- a) Gaji hakiki staf pada 31 Disember 2022 akan ditambah dengan KGT Tambahan sebanyak RM100.00 pada 1 Januari 2023. Amaun tersebut kekal dalam gaji hakiki pegawai.
- b) KGT Tambahan Khas hanya diberi pada tahun 2023 sahaja. Simulasi kaedah pemberian KGT Tambahan Khas adalah seperti di **Lampiran A**. Soalan Lazim (FAQ) adalah seperti **di Lampiran B**.
- c) Bagi staf yang dipinjamkan atau ditukar sementara ke jawatan Kumpulan Pelaksana atau Kumpulan Pengurusan dan Profesional di agensi Kerajaan, pemberian KGT Tambahan Khas sebanyak RM100.00 pada 1 Januari 2023 hendaklah diberi secara isyarat di gaji hakiki oleh Ketua Jabatan asal dan secara sebenar oleh Ketua Jabatan agensi peminjam.
- d) Bagi staf yang dipinjamkan atau ditukar sementara ke jawatan Kumpulan Pengurusan Tertinggi, agensi Kerajaan yang diasingkan saraan, pertubuhan antarabangsa atau sektor swasta, pemberian KGT Tambahan Khas sebanyak RM100.00 pada 1 Januari 2023 hendaklah diberi secara isyarat di gaji hakiki sahaja oleh Ketua Jabatan asal.

- e) Pelaksanaan pemberian KGT Tambahan Khas ini adalah tidak tertakluk kepada penilaian prestasi kerja tahunan staf dan keputusan Panel Pembangunan Sumber Manusia (PPSM).
- f) Pelaksanaan pemberian KGT Tambahan Khas ini tidak berkaitan dengan urusan perkhidmatan lain yang melibatkan kadar KGT termasuk penetapan gaji permulaan kenaikan pangkat dan hukuman tatatertib seperti hukuman tangguh pergerakan gaji dan hukuman turun gaji.
- g) Perubahan gaji berikutan pemberian KGT Tambahan Khas ini hendaklah direkodkan dalam Buku Perkhidmatan Kerajaan dan Sistem Maklumat Sumber Manusia (SMSM).

#### **4.4 Pergerakan Gaji Tahunan**

Pemberian KGT Tambahan Khas ini tidak menjejaskan PGT staf bagi tahun 2023 dan tahun berikutnya tertakluk kepada staf memenuhi syarat dan peraturan PGT yang berkuat kuasa.

#### **4.5 Tarikh Pergerakan Gaji**

Pemberian KGT Tambahan Khas ini tidak mengubah Tarikh Pergerakan Gaji staf.

### **5.0 TARIKH KUAT KUASA**

Pekeliling Pentadbiran ini hendaklah berkuat kuasa mulai pada **1 Januari 2023**. Walau bagaimanapun pembayaran KGT Tambahan Khas akan dibuat mulai tarikh pembayaran gaji bagi bulan Januari 2023 iaitu **17 Januari 2023**.

Sekian, terima kasih.

**"BERKHIDMAT UNTUK NEGARA"**

**"KOMPETENSI TERAS KEGEMILANGAN"**

Saya yang menjalankan amanah,



**MASDZARIF BIN MAHAT**  
Ketua Pegawai Operasi  
Universiti Teknikal Malaysia Melaka

## LAMPIRAN A

### INDEKS SIMULASI PEMBERIAN KGT TAMBAHAN KHAS

| BIL. | SENARAI SIMULASI                                                                                                                                 | LAMPIRAN | MUKA SURAT |
|------|--------------------------------------------------------------------------------------------------------------------------------------------------|----------|------------|
| 1    | Kaedah Pemberian KGT Tambahan Khas Bagi Pegawai Yang Tarikh Pergerakan Gaji Sama Dengan Tarikh Kuat Kuasa KGT Tambahan Khas                      | A1       | 7          |
| 2    | Kaedah Pemberian KGT Tambahan Khas Bagi Pegawai Yang Tarikh Pergerakan Gaji Tidak Sama Dengan Tarikh Kuat Kuasa KGT Tambahan Khas                | A2 & A3  | 8-9        |
| 3    | Kaedah Pemberian KGT Tambahan Khas Bagi Pegawai Yang Dinaikkan Pangkat (Secara <i>Time Based</i> Berasaskan Kecemerlangan (TBK)) Pada Tahun 2023 | A4       | 10         |
| 4    | Kaedah Pemberian KGT Tambahan Khas Bagi Pegawai Yang Diberi Pemangkuan/ Kenaikan Pangkat (Secara Hakiki) Pada Tahun 2023                         | A5       | 11         |

**LAMPIRAN A1****KAEDAH PEMBERIAN KGT TAMBAHAN KHAS  
BAGI PEGAWAI YANG TARIKH PERGERAKAN GAJI SAMA DENGAN TARIKH  
KUAT KUASA KGT TAMBAHAN KHAS**

Skim Perkhidmatan : Pegawai Undang-Undang  
Gred : L41  
Tarikh Kuat Kuasa : 1 Januari 2023  
Tarikh Pergerakan Gaji : 1 Januari  
Gaji Minimum - Maksimum : RM2,418.00 – RM9,607.00  
Kadar KGT : RM225.00

| <b>Tarikh</b> | <b>Telah Terima (RM)</b> | <b>Patut Terima (RM)</b>               | <b>Catatan</b>                                                                    |
|---------------|--------------------------|----------------------------------------|-----------------------------------------------------------------------------------|
| 31.12.2022    | 3,418.00                 | -                                      | Gaji hakiki pegawai sehari sebelum tarikh kuat kuasa pemberian KGT Tambahan Khas. |
| 1.1.2023      | -                        | <b>3,518.00</b><br>(3,418.00 + 100.00) | Pemberian KGT Tambahan Khas.                                                      |
| 1.1.2023      | -                        | <b>3,743.00</b><br>(3,518.00 + 225.00) | TPG pegawai.<br>Diberi PGT pada kadar RM225.00 mengikut keputusan PPSM.           |
| 1.1.2024      | -                        | <b>3,968.00</b><br>(3,743.00 + 225.00) | TPG pegawai.<br>Diberi PGT pada kadar RM225.00 mengikut keputusan PPSM.           |
| 1.1.2025      | -                        | <b>4,193.00</b><br>(3,968.00 + 225.00) | TPG pegawai.<br>Diberi PGT pada kadar RM225.00 mengikut keputusan PPSM.           |

**Catatan:**

PPSM : Panel Pembangunan Sumber Manusia  
TPG : Tarikh Pergerakan Gaji  
PGT : Pergerakan Gaji Tahunan  
KGT : Kenaikan Gaji Tahunan

**LAMPIRAN A2**

**KAEDAH PEMBERIAN KGT TAMBAHAN KHAS  
BAGI PEGAWAI YANG TARIKH PERGERAKAN GAJI TIDAK SAMA DENGAN  
TARIKH KUAT KUASA KGT TAMBAHAN KHAS**

Skim Perkhidmatan : Pembantu Operasi  
Gred : N11  
Tarikh Kuat Kuasa : 1 Januari 2023  
Tarikh Pergerakan Gaji : 1 Oktober  
Gaji Minimum - Maksimum : RM1,216.00 – RM2,983.00  
Kadar KGT : RM80.00

| <b>Tarikh</b> | <b>Telah Terima<br/>(RM)</b> | <b>Patut Terima<br/>(RM)</b>              | <b>Catatan</b>                                                                    |
|---------------|------------------------------|-------------------------------------------|-----------------------------------------------------------------------------------|
| 31.12.2022    | 2,057.74                     | -                                         | Gaji hakiki pegawai sehari sebelum tarikh kuat kuasa pemberian KGT Tambahan Khas. |
| 1.1.2023      | -                            | <b>2,157.74</b><br>(2,057.74 +<br>100.00) | Pemberian KGT Tambahan Khas.                                                      |
| 1.10.2023     | -                            | <b>2,237.74</b><br>(2,157.74 +<br>80.00)  | TPG pegawai.<br>Diberi PGT pada kadar RM80.00 mengikut keputusan PPSM.            |
| 1.10.2024     | -                            | <b>2,317.74</b><br>(2,237.74 +<br>80.00)  | TPG pegawai.<br>Diberi PGT pada kadar RM80.00 mengikut keputusan PPSM.            |
| 1.10.2025     | -                            | <b>2,397.74</b><br>(2,317.74 +<br>80.00)  | TPG pegawai.<br>Diberi PGT pada kadar RM80.00 mengikut keputusan PPSM.            |

**LAMPIRAN A3**

**KAEDAH PEMBERIAN KGT TAMBAHAN KHAS  
BAGI PEGAWAI YANG TARIKH PERGERAKAN GAJI TIDAK SAMA DENGAN  
TARIKH KUAT KUASA KGT TAMBAHAN KHAS**

Skim Perkhidmatan : Penolong Pegawai Keselamatan  
Gred : KP32  
Tarikh Kuat Kuasa : 1 Januari 2023  
Tarikh Pergerakan Gaji : 1 Julai  
Gaji Minimum - Maksimum : RM2,844.00 – RM6,271.00  
Kadar KGT : RM155.00

| <b>Tarikh</b> | <b>Telah Terima<br/>(RM)</b> | <b>Patut Terima<br/>(RM)</b>           | <b>Catatan</b>                                                                    |
|---------------|------------------------------|----------------------------------------|-----------------------------------------------------------------------------------|
| 31.12.2022    | 3,774.15                     | -                                      | Gaji hakiki pegawai sehari sebelum tarikh kuat kuasa pemberian KGT Tambahan Khas. |
| 1.1.2023      | -                            | <b>3,874.15</b><br>(3,774.15 + 100.00) | Pemberian KGT Tambahan Khas.                                                      |
| 1.7.2023      | -                            | <b>4,029.15</b><br>(3,874.15 + 155.00) | TPG pegawai.<br>Diberi PGT pada kadar RM155.00 mengikut keputusan PPSM.           |
| 1.7.2024      | -                            | <b>4,184.15</b><br>(4,029.15 + 155.00) | TPG pegawai.<br>Diberi PGT pada kadar RM155.00 mengikut keputusan PPSM.           |
| 1.7.2025      | -                            | <b>4,339.15</b><br>(4,184.15 + 155.00) | TPG pegawai.<br>Diberi PGT pada kadar RM155.00 mengikut keputusan PPSM.           |

## LAMPIRAN A4

### KAEDAH PEMBERIAN KGT TAMBAHAN KHAS BAGI PEGAWAI YANG DINAIKKAN PANGKAT (SECARA *TIME BASED* BERASASKAN KECEMERLANGAN (TBK)) PADA TAHUN 2023

|                                     |                                         |
|-------------------------------------|-----------------------------------------|
| Skim Perkhidmatan                   | : Pembantu Tadbir (Perkeranian/Operasi) |
| Gred                                | : N22                                   |
| Tarikh Kuat Kuasa                   | : 1 Januari 2023                        |
| Tarikh Pergerakan Gaji Gred N19     | : 1 April                               |
| Tarikh Kenaikan Pangkat ke Gred N22 | : 16 Ogos 2023                          |
| Gaji Minimum – Maksimum Gred N19    | : RM1,352.00 – RM4,003.00               |
| Gaji Minimum – Maksimum Gred N22    | : RM2,252.00 – RM4,693.00               |
| Kadar KGT Gred N19                  | : RM100.00                              |
| Kadar KGT Gred N22                  | : RM115.00                              |

| Tarikh     | Telah Terima (RM) | Patut Terima (RM)                      | Catatan                                                                                                                                                                                                                                                                                |
|------------|-------------------|----------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 31.12.2022 | 2,552.00          | -                                      | Gaji hakiki pegawai sehari sebelum tarikh kuat kuasa pemberian KGT Tambahan Khas.                                                                                                                                                                                                      |
| 1.1.2023   | -                 | <b>2,652.00</b><br>(2,552.00 + 100.00) | Pemberian KGT Tambahan Khas.                                                                                                                                                                                                                                                           |
| 1.4.2023   | -                 | <b>2,752.00</b><br>(2,652.00 + 100.00) | TPG Pegawai.<br>Diberi KGT pada kadar RM100.00 bagi Gred N19, mengikut keputusan PPSM.                                                                                                                                                                                                 |
| 16.8.2023  | -                 | <b>2,867.00</b><br>(2,752.00 + 115.00) | Tarikh kenaikan pangkat ke Gred N22.<br>Penentuan gaji permulaan kenaikan pangkat. Gaji Gred N19 ditambah dengan kadar KGT Gred N22 selaras dengan perenggan 7, Ceraian UP.3.1.2 Panduan Pelaksanaan Penetapan Gaji Permulaan Kenaikan Pangkat.<br>TPG di Gred N22 ialah pada 1 Julai. |
| 1.7.2024   | -                 | <b>2,982.00</b><br>(2,867.00 + 115.00) | TPG baharu Pegawai.<br>Diberi KGT pada kadar RM115.00 bagi Gred N22, mengikut keputusan PPSM.                                                                                                                                                                                          |
| 1.7.2025   | -                 | <b>3,097.00</b><br>(2,982.00 + 115.00) | TPG Pegawai.<br>Diberi KGT pada kadar RM115.00 bagi Gred N22, mengikut keputusan PPSM.                                                                                                                                                                                                 |

## LAMPIRAN A5

### KAEDAH PEMBERIAN KGT TAMBAHAN KHAS BAGI PEGAWAI YANG DIBERI PEMANGKUAN/ KENAIKAN PANGKAT (SECARA HAKIKI) PADA TAHUN 2023

|                                     |                            |
|-------------------------------------|----------------------------|
| Skim Perkhidmatan                   | : Juruukur                 |
| Gred                                | : J41                      |
| Tarikh Kuat Kuasa                   | : 1 Januari 2023           |
| Tarikh Pergerakan Gaji Gred J41     | : 1 Januari                |
| Tarikh Pemangkuan Gred J44          | : 10 Mei 2023              |
| Tarikh Kenaikan Pangkat ke Gred J44 | : 10 Mei 2024              |
| Gaji Minimum – Maksimum Gred J41    | : RM2,529.00 – RM9,643.00  |
| Gaji Minimum – Maksimum Gred J44    | : RM3,608.00 – RM10,557.00 |
| Kadar KGT Gred 41                   | : RM225.00                 |
| Kadar KGT Gred 44                   | : RM250.00                 |

| Tarikh     | Telah Terima (RM) | Patut Terima (RM)                      | Catatan                                                                                                                                                                                                                                                                                |
|------------|-------------------|----------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 31.12.2022 | 4,329.00          | -                                      | Gaji hakiki pegawai sehari sebelum tarikh kuat kuasa pemberian KGT Tambahan Khas.                                                                                                                                                                                                      |
| 1.1.2023   | -                 | <b>4,429.00</b><br>(4,329.00 + 100.00) | Pemberian KGT Tambahan Khas.                                                                                                                                                                                                                                                           |
| 1.1.2023   | -                 | <b>4,654.00</b><br>(4,429.00 + 225.00) | TPG Pegawai.<br>Diberi KGT pada kadar RM225.00 bagi Gred J41, mengikut keputusan PPSM.                                                                                                                                                                                                 |
| 10.5.2023  | -                 | 4,654.00                               | Diberi pemangkuan ke Gred J44.                                                                                                                                                                                                                                                         |
| 1.1.2024   | -                 | <b>4,879.00</b><br>(4,654.00 + 225.00) | TPG Pegawai.<br>Diberi KGT pada kadar RM225.00 bagi Gred J41, mengikut keputusan PPSM.                                                                                                                                                                                                 |
| 10.5.2024  | -                 | <b>5,129.00</b><br>(4,879.00 + 250.00) | Tarikh kenaikan pangkat ke Gred J44.<br>Penentuan gaji permulaan kenaikan pangkat. Gaji Gred J41 ditambah dengan kadar KGT Gred J44 selaras dengan perenggan 7, Ceraian UP.3.1.2 Panduan Pelaksanaan Penetapan Gaji Permulaan Kenaikan Pangkat.<br>TPG di Gred J44 ialah pada 1 April. |

**SOALAN LAZIM**  
**PEMBERIAN KENAIKAN GAJI TAHUNAN (KGT) TAMBAHAN KHAS KEPADA**  
**PEGAWAI PERKHIDMATAN AWAM PERSEKUTUAN DALAM KUMPULAN**  
**PELAKSANA DAN KUMPULAN PENGURUSAN DAN PROFESIONAL**

| BIL. | SOALAN                                                                                                                                                                                               | JAWAPAN                                                                                                                                                                                                                                                                      |
|------|------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.   | Adakah pemberian KGT Tambahan Khas sebanyak RM100.00 ini dilaksanakan setiap tahun bermula tahun 2023?                                                                                               | Tidak. Pemberian KGT Tambahan Khas ini hanya dilaksanakan pada tahun 2023 sahaja. Walau bagaimanapun, amaun RM100.00 tersebut akan kekal dalam gaji hakiki pegawai.                                                                                                          |
| 2.   | Bilakah KGT Tambahan Khas akan dibayar?                                                                                                                                                              | Tarikh kuat kuasa pelaksanaan pemberian KGT Tambahan Khas adalah pada 1 Januari 2023. Walau bagaimanapun, pembayaran KGT Tambahan Khas akan dibuat mulai tarikh pembayaran gaji bagi bulan Januari 2023.                                                                     |
| 3.   | Adakah pegawai Kumpulan Pengurusan Tertinggi layak menerima KGT Tambahan Khas sebanyak RM100.00?                                                                                                     | Pegawai yang berada di Kumpulan Pengurusan Tertinggi secara hakiki pada 1 Januari 2023 adalah tidak layak menerima KGT Tambahan Khas ini. KGT Tambahan Khas sebanyak RM100.00 ini hanya diberikan kepada pegawai Kumpulan Pelaksana dan Kumpulan Pengurusan dan Profesional. |
| 4.   | Adakah pegawai Kumpulan Pengurusan dan Profesional yang sedang memangku Jawatan Utama / Gred Khas C layak menerima KGT Tambahan Khas?                                                                | Layak. Walau bagaimanapun, sekiranya tarikh kenaikan pangkat pegawai tersebut ke Jawatan Utama / Gred Khas C dikebelakangkan sebelum 1 Januari 2023, KGT Tambahan Khas tersebut perlu dikutip semula dan diselaraskan.                                                       |
| 5.   | Adakah pegawai yang dipinjamkan atau ditukar sementara ke jawatan Kumpulan Pelaksana atau Kumpulan Pengurusan dan Profesional di agensi Kerajaan layak menerima KGT Tambahan Khas sebanyak RM100.00? | Layak. Pegawai yang dipinjamkan atau ditukar sementara ke jawatan Kumpulan Pelaksana dan Kumpulan Pengurusan dan Profesional di agensi Kerajaan adalah layak menerima KGT Tambahan Khas sebanyak RM 100.00 secara isyarat di gaji jawatan hakiki dan secara                  |

| BIL. | SOALAN                                                                                                            | JAWAPAN                                                                                                                                                                                                                                                                                                                                         |
|------|-------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|      |                                                                                                                   | <p>sebenar di jawatan peminjaman / tukar sementara.</p> <p>Bagi pegawai yang dipinjamkan atau ditukar sementara ke jawatan Kumpulan Pengurusan Tertinggi, agensi Kerajaan yang diasingkan saraan, pertubuhan antarabangsa atau sektor swasta, pemberian KGT Tambahan Khas hendaklah diberikan secara isyarat di gaji jawatan hakiki sahaja.</p> |
| 6.   | Adakah pegawai yang dikenakan hukuman tatatertib layak menerima KGT Tambahan Khas?                                | Pegawai yang dikenakan hukuman tatatertib selain daripada hukuman buang kerja yang berkuatkuasa 1 Januari 2023 adalah layak untuk menerima KGT Tambahan Khas.                                                                                                                                                                                   |
| 7.   | Adakah kadar KGT Tambahan Khas sebanyak RM100.00 turut digunakan dalam penetapan gaji permulaan kenaikan pangkat? | Tidak. Pemberian KGT Tambahan Khas sebanyak RM100.00 tidak berkaitan dengan urusan perkhidmatan lain termasuklah penetapan gaji permulaan kenaikan pangkat.                                                                                                                                                                                     |
| 8.   | Adakah pegawai yang bersara pada 1 Januari 2023 layak menerima KGT Tambahan Khas?                                 | Tidak. Pegawai yang bersara pada 1 Januari 2023 adalah tidak layak menerima KGT Tambahan Khas kerana hari terakhir perkhidmatan pegawai adalah pada 31 Disember 2022.                                                                                                                                                                           |
| 9.   | Adakah pegawai yang meninggal dunia pada 1 Januari 2023 layak menerima KGT Tambahan Khas?                         | Layak. Pegawai yang meninggal dunia pada 1 Januari 2023 adalah layak menerima KGT Tambahan Khas kerana hari terakhir perkhidmatan pegawai adalah pada 1 Januari 2023. KGT Tambahan Khas ini akan diambil kira dalam gaji akhir pegawai bagi tujuan faedah persaraan.                                                                            |
| 10.  | Adakah pegawai yang dikenakan tindakan tatatertib dengan hukuman buang kerja yang berkuatkuasa selepas daripada 1 | Layak. Pegawai yang dikenakan tindakan tatatertib dengan hukuman buang kerja yang berkuatkuasa selepas daripada 1 Januari 2023 adalah layak                                                                                                                                                                                                     |

| BIL. | SOALAN                                                                                                     | JAWAPAN                                                                              |
|------|------------------------------------------------------------------------------------------------------------|--------------------------------------------------------------------------------------|
|      | Januari 2023 layak menerima KGT Tambahan Khas?                                                             | menerima KGT Tambahan Khas kerana pegawai masih lagi berkhidmat pada 1 Januari 2023. |
| 11.  | Adakah pemberian KGT Tambahan Khas ini tertakluk kepada keputusan Panel Pembangunan Sumber Manusia (PPSM)? | Tidak. Pemberian KGT Tambahan Khas ini adalah tidak tertakluk kepada keputusan PPSM. |